

UPUTSTVO ZA PACIJENTA

IRUZID 20/25

20 mg +25 mg, tableta

Lizinopril+hidrohlorotiazid

Prije upotrebe lijeka pažljivo pročitajte ovo uputstvo.

Uputstvo nemojte baciti. Kasnije ćete ga možda trebati ponovo pročitati.

Ako trebate dodatne informacije, zatražite ih od svog ljekara ili farmaceuta.

Ljekar je propisao ovaj lijek samo za Vas. Nemojte ga davati nikome drugom jer bi mu mogao naškoditi, čak i ako ima simptome jednake Vašima.

Ako primijetite da je nuspojava postala ozbiljna ili uočite nuspojavu koja nije navedena u uputstvu, obavijestite o tome svog ljekara ili farmaceuta. (Vidjeti dio 4.)

U ovom uputstvu možete pročitati sljedeće:

1. Šta je IRUZID 20/25 i za šta se koristi
2. Prije nego počnete uzimati IRUZID 20/25
3. Kako uzimati IRUZID 20/25
4. Moguće nuspojave
5. Kako čuvati IRUZID 20/25
6. Dodatne informacije

1. ŠTA JE IRUZID 20/25 I ZA ŠTA SE KORISTI

IRUZID 20/25 tablete primjenjuju se u liječenju povišenog krvnog pritiska (hipertenzija). IRUZID 20/25 je kombinacija dviju aktivnih supstanci, lizinopрила i hidrohlorotiazida.

- Lizinopril pripada skupini lijekova koji se nazivaju ACE-inhibitori i djeluje tako što širi krvne žile.
- Hidrohlorotiazid pripada skupini lijekova koji se nazivaju diuretici. Ovaj lijek pomaže tijelu da se oslobodi viška vode i soli kao što je natrij u urinu.

Ovi lijekovi djeluju zajedno kako bi snizili krvni pritisak.

2. PRIJE NEGO POČNETE UZIMATI IRUZID 20/25

Nemojte uzimati IRUZID 20/25:

- ako ste ikada imali alergijsku reakciju (ako ste preosjetljivi) na lizinopril, hidrohlorotiazid ili neki drugi sastojak lijeka (Viddjeti dio 6.)
- ako ste alergični na druge ACE inhibitore ili sulfonamide. Pitajte svog ljekara ukoliko niste sigurni
- ako ste prije imali oticanje ruku, nogu, zglobova, lica, usana, jezika ili grla, osobito tokom ranijeg liječenja s drugim lijekovima koji pripadaju skupini lijekova zvani ACE inhibitori, pri čemu ste otežano gutali ili disali
- ako ste uzimali ili trenutno uzimate sakubitril/valsartan, koji se koristi za liječenje jedne vrste dugoročnog (kroničnog) zatajivanja srca u odraslih, jer je u tom slučaju povećan rizik od angioedema (naglo oticanje potkožnog tkiva na području kao što je vrat)
- ako imate dijagnozu nasljednog angioedema (stanje koje Vas čini sklonijim ozbiljnim alergijskim reakcijama opisanim gore). Ako niste sigurni da li se navedeno odnosi na Vas, obratite se svom ljekaru
- ako imate ozbiljnih problema s bubrezima
- ako ste prestali mokriti
- ako imate ozbiljnih problema sa jetrom
- ako ste trudni više od 3 mjeseca (iako je bolje izbjegavati IRUZID20/25 i tokom rane trudnoće - vidi dio *Trudnoća i dojenje*)
- ako imate šećernu bolest ili oštećenu bubrežnu funkciju i liječite se lijekom za snižavanje krvnog pritiska koji sadrži aliskiren.

Ako se nešto od gore navedenog odnosi na Vas, nemojte uzimati IRUZID 20/25. Ako niste sigurni obratite se svom ljekaru ili farmaceutu.

Budite oprezni s primjenom IRUZID 20/25 tableta

Posavjetujte se sa svojim ljekarom ili farmaceutom prije nego počnete uzimati IRUZID 20/25 ako:

- ako ste imali rak kože ili ako Vam se pojavi neočekivana lezija (promjena) na koži tokom liječenja. Liječenje hidroklorotiazidom, naročito dugotrajna primjena uz visoke doze, može povećati rizik od nekih vrsta raka kože ili usana (nemelanomski rak kože). Zaštitite svoju kožu od izlaganja suncu i UV zrakama za vrijeme uzimanja lijeka IRUZID.
- imate suženje (stenozu) aorte (najveća krvna žila koja izlazi iz srca), srčanih zalistaka (mitralni zalisci) ili bubrežnih arterija
- imate zadebljanje srčanog mišića (hipertrofičku kardiomiopatiju)
- imate problema s krvnim žilama (kolagena bolest krvnih žila)
- imate niski krvni pritisak (koji se može očitovati kao omaglica i ošamućenost, posebno pri ustajanju)
- imate problema s bubrežima, odnosno idete na dijalizu ili imate presađen bubreg
- imate problema s jetrom
- imate šećernu bolest
- ako uzimate bilo koji od lijekova navedenih u nastavku, koji se koriste za liječenje visokog krvnog pritiska:
 - o blokator angiotenzin II receptora (ARB) (nazivaju se i sartanima - primjerice valsartan, telmisartan, irbesartan), osobito ako imate bubrežne tegobe povezane sa šećernom bolešću.
 - o aliskiren.

Ljekar Vam može provjeravati bubrežnu funkciju, krvni pritisak i količinu elektrolita (npr. kalija) u krvi u redovnim intervalima.

Vidjeti također informacije pod naslovom „Nemojte uzimati IRUZID 20/25”.

- ste nedavno imali proljev ili obilno povraćanje
 - ako Vam je ljekar rekao da morate biti na dijeti sa smanjenim unosom soli
 - imate povišenu razinu holesterola te idete na tzv. LDL aferezu
 - imate sistemski eritemski lupus
 - ste crne rase jer IRUZID 20/25 u Vas može biti manje djelotvoran. Također, može se očekivati češća pojava teške alergijske reakcije (tzv. angioedem), čiji simptomi su oticanje ruku, nogu, zglobova, lica, usana, jezika ili grla.
- ako uzimate neki od sljedećih lijekova, povećava se rizik od angioedema (brzo oticanje ispod kože u području grla):- sirolimus, everolimus i drugi lijekovi koji pripadaju klasi inhibitora mTOR (koriste se za sprječavanje odbacivanja presađenih organa ili za liječenje raka).
- racekadotril, koji se koristi za liječenje proljeva;
- vildagliptin, koji se koristi za liječenje šećerne bolesti.

Ako primijetite slabljenje vida ili osjetite bol u očima. To mogu biti simptomi nakupljanja tekućine u sloju oka u kojem su smještene krvne žile (efuzija žilnice) ili povećanja pritiska u oku, a mogu nastupiti u roku od nekoliko sati do sedmicu dana nakon uzimanja ovog lijeka. Ako se ne liječi, može dovesti do trajnog oštećenja vida. Ako ste ranije imali alergiju na penicilin ili sulfonamide, možete biti izloženi većem riziku od razvoja ove bolesti.

Ako mislite da ste trudni ili ako planirate trudnoću. Ne preporučuje se primjena IRUZID 20/25 tableta u ranoj trudnoći. Ako ste trudni duže od 3 mjeseca, ne smijete uzimati IRUZID 20/25 (vidi dio Trudnoća i dojenje), jer može izazvati ozbiljna oštećenja ploda.

Ako niste sigurni, odnosi li se nešto od gore navedenog na Vas obratite se svome ljekaru ili farmaceutu prije nego uzmete IRUZID 20/25.

Tretmani alergija, kao npr. ubodi insekata

Obavijestite svog ljekara ukoliko idete ili namjeravate ići na tzv. postupak desenzibilizacije zbog alergije, npr. na ubode insekata.

Terapija IRUZID 20/25 tabletama za vrijeme takvih postupaka može izazvati ozbiljne alergijske reakcije.

Operativni zahvati

Recite svom ljekaru ili stomatologu ukoliko idete na neki operativni zahvat (uključujući i operacije u usnoj šupljini) da uzimate IRUZID 20/25 jer može doći do kratkotrajnog pada krvnog pritiska ako Vam bude primijenjena lokalna ili opšta anestezija.

Uzimanje drugih lijekova s IRUZID 20/25 tabletama

Obavijestite svog ljekara ili farmaceuta ako uzimate ili ste nedavno uzeli ili biste mogli uzeti bilo koje druge lijekove. Ovo se odnosi i na biljne lijekove i homeopatske pripravke. IRUZID 20/25, može utjecati na učinak drugih lijekova a također, neki lijekovi mogu utjecati na učinak lijeka IRUZID 20/25.

Obavijestite svog ljekara ili farmaceuta ako uzimate neke od sljedećih lijekova:

- neke druge lijekove za snižavanje krvnog pritiska (antihipertenzive)
- Ako uzimate neki blokator angiotenzin II receptora (ARB) ili aliskiren (vidjeti također informacije pod naslovima „Nemojte uzimati IRUZID 20/25” i „Upozorenja i mjere opreza”).
- lijekovi povezani s niskim razinom kalija u krvi (hipokalemija), poput ostalih diuretika ("diuretici", uključujući one koji štede kalij, laksative, kortikosteroide (npr. Prednizon), ACTH (hormon A), amfotericin (lijek protiv gljivica) i derivate salicilne kiseline.
- nesteroidni protuupalni lijekovi (NSAID), poput aspirina, ibuprofena ili indometacina, koriste se za liječenje mišićne boli ili artritisa
- lijekovi protiv depresije (triciklički i tetraciklični antidepresivi)
- lijekovi za liječenje psihičkih bolesti, uključujući litij
- acetilsalicilnu kiselinu u dozi većoj od 3 g na dan
- nadomjeske kalija (uključujući nadomjeske soli), diuretike koji štede kalij i druge lijekove koji mogu povećati količinu kalija u krvi (npr. trimetoprim i kotrimoksazol za bakterijske infekcije; ciklosporin, imunosupresijski lijek koji se koristi za sprječavanje odbacivanja presađenih organa; i heparin, koji se koristi za razrjeđivanje krvi radi sprječavanja nastanka krvnih ugrušaka)
- soli kalcija ili dodatci vitamina D
- lijekove za liječenje šećerne bolesti, kao što je npr. inzulin ili oralni antidiabetici. Vašu dozu antidiabetičkog lijeka možda trebate promijeniti prilikom uzimanja tiazidnih diuretika.
- lijekove za liječenje astme
- pripravci koji se primjenjuju kod začepljenosti nosa i sinusa te ostali pripravci protiv simptoma prehlade (uključujući i one koji se mogu kupiti bez ljekarskog recepta)
- imunosupresive (lijekove koji suzbijaju imunološku reakciju organizma), npr. ciklosporin
- alopurinol (lijek za liječenje gihta)
- prokainamid (lijek za liječenje poremećaja otkucaja srca)
- lijekove za liječenje zatajenja srca (srčani glikozidi) ili druge lijekove za kontrolu ritma vašeg srca
- lijekovi koji sadrže zlato, uključujući natrijev aurotiomalat, koji se primjenjuju u obliku injekcije (obično se koristi za liječenje reumatoidnog artritisa).
- amfotericin B (lijek za liječenje gljivičnih infekcija)
- karbenoksolon (lijek za liječenje vrijeda (čira) jednaka ili usta)
- kortikosteroide (steroidne lijekove)
- kortikotropin (hormon)
- lijekovi za liječenje zatvora stolice (laksative)
- kolestiramin i kolestipol (lijekovi za sniženje holesterola u krvi, sprječavanje proljeva ili ublažavanje svrbeža)
- lijekove za opuštanje mišića (tubokurarin)
- trimetoprim (antibiotik)
- sotalol (beta blokator)
- lovastatin (za snižavanje holesterola u krvi)
- dekstran sulfat (lijek za liječenje stanja LDL afereze, za sniženje holesterola u krvi)

Sljedeći lijekovi mogu povećati rizik od angioedema (znakovi angioedema uključuju oticanje lica, usana, jezika i / ili grla s poteškoćama u gutanju ili disanju):

- lijekovi za razgradnju krvnih ugrušaka (tkivni plazminogeni aktivator), obično se daju u bolnici.
- lijekovi koji se najčešće primjenjuju za izbjegavanje odbacivanja presađenih organa (sirolimus, everolimus i drugi lijekovi koji pripadaju klasi mTOR inhibitora). (Vidjeti dio 2.)
- racekadotril koji se koristi za liječenje dijareje.
- vildagliptin, koji se koristi za liječenje šećerne bolesti
- ostale lijekove koji mogu izazvati poremećaj rada srca poznat kao *torsades de pointes*.

Nizak krvni pritisak može biti pogoršan alkoholom, barbituratima ili anestheticima. Možete primijetiti vrtoglavicu dok stojite.

Trudnoća i dojenje

Trudnoća

Morate reći svom ljekaru ako mislite da ste trudni (ili planirate trudnoću). Vaš će Vam ljekar obično savjetovati da prestanete uzimati IRUZID 20/25 prije nego što ostanete trudni ili čim saznate da ste trudni, te će Vam savjetovati da uzmete neki drugi lijek umjesto IRUZID 20/25. IRUZID 20/25 se ne preporučuje u ranoj trudnoći i ne smijete ga uzimati ako ste trudni više od 3 mjeseca, jer može ozbiljno naškoditi Vašem djetetu ako ga koristite nakon trećeg mjeseca trudnoće.

Dojenje

Recite svom ljekaru ako dojite ili planirate dojiti. IRUZID 20/25 se ne preporučuje majkama koje doje te Vaš Vam ljekar može odabrati drugu terapiju ako želite dojiti, posebno ako je Vaše dijete novorođenče ili je prijevremeno rođeno.

Upravljanje vozilima i mašinama

Ovaj lijek može ponekad uzrokovati omaglicu i umor što može utjecati na upravljanje vozilom ili mašinom, posebno na početku liječenja, tokom prilagodbe doze ili pri istodobnoj primjeni s alkoholom. Ako se to dogodi, nemojte upravljati vozilom ili koristiti alate ili mašine.

Morate pričekati da vidite kako ovaj lijek utječe na Vas prije nego počnete upravljati vozilom ili raditi sa mašinom.

Ostala upozorenja

Tablete sadrže manitol koji može imati laksativni učinak.

3. KAKO UZIMATI IRUZID 20/25

Važno je da uzimate lijek onako kako Vam je odredio Vaš ljekar. Ako niste sigurni kako trebate uzimati ovaj lijek, zatražite savjet svog ljekara ili farmaceuta.

Kada započnete terapiju IRUZID 20/25 tabletama ljekar Vam može uraditi krvne pretrage, te na osnovu njih prilagoditi dozu lijeka, kako biste uzimali odgovarajuću količinu lijeka.

Uzimanje lijeka

- Progutajte tabletu s dovoljnom količinom vode .
- Uzimajte tablete svaki dan otprilike u isto vrijeme. IRUZID 20/25 tablete se mogu uzimati prije ili poslije jela.
- Nastavite uzimati IRUZID 20/25 tablete onoliko dugo koliko Vam je ljekar rekao, to je dugotrajna terapija. Važno je da uzimate tablete svaki dan.

Uzimanje prve doze

- Budite posebno oprezni kada prvi puta primjenjujete IRUZID 20/25 tablete ili nakon povećanja doze IRUZID 20/25 tableta. Pri uzimanju prve doze može doći do jačeg pada krvnog pritiska nego kasnije tokom dugotrajne primjene.
- To se može očitovati kao vrtoglavica i ošamućenost, a ti se simptomi mogu smanjiti ako legnete. Ukoliko Vas to zabrinjava, obratite se za savjet ljekaru.

Odrasli

- Uobičajena doza je jedna tableta jedanput na dan. Ljekar će Vam propisati odgovarajuću jačinu lijeka.

Djeca

IRUZID 20/25 nije namijenjen za primjenu u djece.

Ako uzmete više IRUZID 20/25 tableta nego što ste trebali

Ako uzmete više IRUZID 20/25 tableta nego što ste trebali, odmah se obratite svom ljekaru ili u najbližu zdravstvenu ustanovu. Sa sobom ponesite tablete ili ovo uputstvo kako bi zdravstveno osoblje znalo koji ste lijek uzeli.

Ako ste zaboravili uzeti IRUZID 20/25

- Ako ste zaboravili uzeti IRUZID 20/25, propuštenu dozu lijeka uzmite što prije. Međutim, ako je uskoro vrijeme za sljedeću dozu, tada preskočite propuštenu dozu lijeka.
- Nemojte istovremeno uzeti dvije doze lijeka kako biste nadoknadili dozu koju ste zaboravili uzeti.

Prestanak primjene IRUZID 20/25 tableta

Nemojte prestati uzimati IRUZID 20/25 unatoč tome što se dobro osjećate, sve dok Vam to ljekar ne kaže.

U slučaju bilo kakvih nejasnoća ili pitanja u vezi s primjenom IRUZID 20/25 tableta, obratite se svom ljekaru ili farmaceutu.

4. MOGUĆE NUSPOJAVE

Kao i svi drugi lijekovi IRUZID 20/25 može izazvati nuspojave, iako se ne moraju javiti kod svakoga.

IRUZID 20/25 sadrži dva lijeka, lizinopril i hidrohlorotiazid. Dole navedene nuspojave zabilježene su tokom primjene oba lijeka, stoga se mogu javiti i pri primjeni IRUZID 20/25 tableta.

Ljekar Vam s vremena na vrijeme može uraditi krvne pretrage, kako bi provjerio da li IRUZID 20/25 ima utjecaj na Vašu krv.

Moguće nuspojave pri primjeni lizinopрила

Teške alergijske reakcije (rijetke, javljaju se u manje od 1 slučaja na 1.000 bolesnika)

Ako imate tešku alergijsku reakciju, prestanite uzimati IRUZID 20/25 i odmah se javite ljekaru u bilo kojem od sljedećih slučajeva:

- ako Vam nateknu lice, usne, jezik i/ili grlo, zbog čega disanje ili gutanje može biti otežano,
- ako Vam iznenada nateknu ruke, stopala ili gležnjevi,
- otežano disanje,
- jak svrbež kože (s uzdignutim kvržicama)

Ozbiljni problemi s jetrom (rijetke, javljaju se u manje od 1 slučaja na 1.000 bolesnika)

Znakovi mogu uključivati:

- žutilo kože ili očiju, tamno obojena mokraća ili gubitak apetita.

Ako Vam se ovo dogodi, odmah posjetite svog ljekara.

Ostale moguće nuspojave

Često (javljaju se u manje od 1 slučaja na 10 bolesnika):

- glavobolja
- omaglica ili ošamućenost, posebno pri naglom ustajanju
- nesvjestica
- proljev
- povraćanje
- kašalj
- bubrežne tegobe (s odstupanjima u rezultatima krvnih pretraga).

Manje često (javljaju se u manje od 1 slučaja na 100 bolesnika):

- promjene raspoloženja, uključujući simptome depresije
- osjećaj obamrlosti i trnaca u prstima ruku
- vrtoglavica (vertigo)
- promjena osjeta okusa
- poteškoće sa spavanjem
- vrlo velik pad krvnog pritiska može se dogoditi kod ljudi sa sljedećim stanjima: koronarna bolest srca, sužavanje aorte (srčane arterije), bubrežne arterije ili srčanih zalistaka, povećanje debljine srčanog mišića. Ako vam se to dogodi, možete osjetiti vrtoglavicu ili nesvjesticu, pogotovo ako se brzo uspravite.
- moždani ili srčani udar
- poremećen rad srca
- promjena boje prstiju na rukama i nogama
- curenje iz nosa
- mučnina

- bolovi u trbuhu i poremećaj probave
- odstupanja u rezultatima krvnih pretraga koje pokazuju rad jetre
- kožni osip
- svrbež
- problemi s erekcijom (impotencija)
- osjećaj slabosti
- osjećaj umora
- povišene vrijednosti nekih supstanci u krvi (urea, kreatinin, kalij).

Rijetko (pojavljuju se u manje od 1 slučaja na 1.000 bolesnika):

- promjene nekih stanica ili drugih dijelova Vaše krvi; znakovi mogu obuhvaćati osjećaj umora i bljedoću kože
- zbunjenost
- promjena osjeta mirisa
- suha usta
- koprivnjača (urtikarija) sa tamno crvenim, čvorastim izbočenjima koja svrbe
- gubitak kose (Alopecija)
- psorijaza (problem s kožom)
- infekcija krvi
- poremećaj rada bubrega
- povećanje dojki u muškaraca
- sindrom nepravilnog izlučivanja antidiuretskog hormona (SIADH)
- snižene vrijednosti natrija u krvi što može uzrokovati slabost, umor, glavobolju, mučninu, povraćanje i grčeve.

Vrlo rijetko (pojavljuju se u manje od 1 slučaja na 10.000 bolesnika):

- poremećaj koštane srži ili smanjenje broja krvnih stanica i krvnih pločica, što može uzrokovati umor, infekciju (koja može biti teška), vrućicu, osjećaj zaduhe ili pojavu masnica ili krvarenja
- povećanje limfnih čvorova
- pojačan imuni odgovor organizma (autoimune bolesti)
- pad razine šećera u krvi (hipoglikemija) uz moguću pojavu osjećaja gladi ili slabosti, znojenja i ubrzanog rada srca
- iznenadno hripanje u prsima ili kratak dah (bronhospazam)
- upala pluća (uz osjećaj nedostatka zraka)
- upala sinusa (bol i osjećaj pritiska u području obraza ili očiju)
- upala pluća s povećanim brojem krvnih stanica, eozinofila. Znakovi bolesti uključuju kombinaciju:
 - o upale sinusa,
 - o stanje poput gripe,
 - o osjećaj sve većeg nedostatka zraka,
 - o boli u području želuca ili crijeva,
 - o kožni osip
 - o osjećaj trnaca i iglica ili obamrlosti u nogama ili rukama.
- upala gušterače, koja je praćena umjerenom do jakim boli u trbuhu
- oticanje stijenke crijeva, praćene naglom boli u želucu, proljevom ili povraćanjem
- znojenje
- teške promjene kože ili osip, uključujući crvenilo, pojavu mjehura i ljuštenje kože, što se može razviti naglo i može zahvatiti usnu i nosnu šupljinu
- smanjeno mokrenje ili potpuni prestanak mokrenja.

Nepoznato (učestalost se ne može procijeniti iz dostupnih podataka)

- vidjeti, osjetiti ili čuti stvari koje ne postoje (halucinacije)
- blijedenje (svijetljenje) kože

Moguće nuspojave pri primjeni hidrohlorotiazida (nepoznata učestalost)

- rak kože i usana (nemelanomski rak kože)
- upala žlijezde slinovnice
- smanjenje broja krvnih stanica i krvnih pločica, što može uzrokovati umor, infekciju (koja može biti teška), vrućicu, osjećaj zaduhe ili bržu pojavu masnica ili krvarenja
- gubitak apetita
- povišenje razine šećera (glukoze) u krvi (hiperglikemija)
- pojava šećera u urinu

- povišena razina urične kiseline u krvi
- promjene razine nekih supstanci u krvi (npr. natrij i kalij) uz pojavu mišićne slabosti, žeđi, osjećaja trnaca i iglica, grčevi i mučnina
- povišene ili visoke vrijednosti masti u krvi (uključujući kolesterol)
- osjećaj nemira
- depresija
- poteškoće spavanja
- osjećaj štipkanja poput „bockanja i trnaca“
- ošamućenost
- poremećaj vida kada stvari izgledaju žuto
- kratkotrajno zamagljen vid
- oštar bol u predjelu očiju sa crvenilom i iznenadnim zamagljenjem vida. Ako osjetite iznenada simptome bolnih i crvenih očiju, odmah se obratite ljekaru, možda će biti neophodno uvođenje terapije kako bi se spriječio trajni gubitak vida.
- vrtoglavica
- nesvjestica (posebno pri ustajanju)
- oštećenje krvnih žila s pojavom crvenih ili ljubičastih mrlja po koži
- poteškoće s disanjem. Može se javiti osjećaj nedostatka zraka zbog upale pluća ili prisutnosti tekućine u njima.
- iritacija želuca
- proljev
- zatvor stolice
- upala gušterače s pojavom umjerene do jake boli u truhu
- žuta boja kože ili bjeloočnica (žutica)
- kožni problemi uključujući osip uzrokovan osjetljivošću na sunčevo svjetlo, težak oblik osipa s naglim nastankom, uz pojavu mjehura ili ljuštenja kože te pojavom mjehura u ustima, pogoršanje postojećih reakcija sličnih eritemskom lupusu ili pojava neobičnih kožnih reakcija
- alergijske reakcije
- mišićni grčevi i slabost mišića
- poremećaj bubrega, koji može biti ozbiljan (vidljivo iz krvnih pretraga)
- vrućica
- slabost (gubitak snage)
- oslabljen vid ili bol u očima zbog visokog pritiska (mogući znakovi nakupljanja tekućine u sloju oka u kojem su smještene krvne žile (efuzija žilnice) ili akutnog glaukoma zatvorenog kuta)

Nemojte biti zabrinuti zbog gore navedenih nuspojava. Možda se kod Vas neće pojaviti niti jedna.

Ako primijetite da je nuspojava postala ozbiljna ili uočite nuspojavu koja nije navedena u uputstvu, obavijestite o tome svog ljekara ili farmaceuta.

Prijavljivanje sumnje na neželjena dejstva lijeka

U slučaju bilo kakvih neželjenih reakcija nakon primjene lijeka, potrebno je obavijestiti Vašeg ljekara ili farmaceuta. Ovo podrazumijeva sve moguće neželjene reakcije koje nisu navedene u ovom uputstvu o lijeku, kao i one koje jesu.

5. KAKO ČUVATI IRUZID 20/25

Čuvanje

Lijek treba čuvati izvan dohvata i pogleda djece!

Lijek treba čuvati pri temperaturi do 25°C u originalnom pakovanju.

Rok upotrebe:

Rok upotrebe je otisnut na pakovanju.

Rok upotrebe je 3 godina od datuma proizvodnje navedenog na pakovanju!

Lijek se ne smije primijeniti nakon isteka roka upotrebe navedenog na pakovanju!

Lijekovi se ne smiju odlagati putem kućnih otpadnih voda ili kućnog otpada. Pitajte farmaceuta kako odlagati lijekove koje više ne trebate. Takvim ponašanjem čuvamo naš okoliš.

6. DODATNE INFORMACIJE

Šta sadrži IRUZID 20/25 tableta

Aktivne supstance su: lizinopril i hidrohlorotiazid

Iruzid 20/25 : jedna tableta sadrži 20 mg lizinopрила u obliku lizinopril dihidrata i 25 mg hidrohlorotiazida.

Pomoćne supstance:

Iruzid 20/25 tablete: manitol (E421); kalcijev hidrogenfosfat dihidrat; kukuruzni škrob; škrob, prethodno geliran; magnezijev stearat; željezo oksid 8 (E172).

Kako IRUZID 20/25 tableta izgleda i sadržaj pakovanja

Iruzid 20/25 tablete: svijetlo roza, bikonveksne i okrugle tablete.

Iruzid 20/25 tablete: 30 (1x30) tableta u PVDC/PVC/Al blisteru, u kutiji.

Režim izdavanja lijeka:

Lijek se izdaje uz ljekarski recept.

Naziv i adresa proizvođača:

Farmavita d.o.o Sarajevo
Igmanska 5a, 71320 Vogošća, Bosna i Hercegovina

Proizvođač gotovog lijeka:

Farmavita d.o.o Sarajevo
Igmanska 5a, 71320 Vogošća, Bosna i Hercegovina

Nosilac dozvole za stavljanje lijeka u promet

Farmavita d.o.o Sarajevo
Igmanska 5a, 71320 Vogošća, Bosna i Hercegovina

Broj i datum rješenja o dozvoli za stavljanje lijeka u promet:

IRUZID 20/25: 04-07.3-2-11787/19 od 15.09.2020
